

UKIUMUT NALUNAARUSIAQ 2024

Akilerartarnermut Aqutsisoqarfik / Skattestyrelsen



AKILERAARTARNERMUT
AQUTSISOQARFIK
SKATTESTYRELSEN



IMARISAI

IMARISAI.....	2
AQUTSISOQARFIMMI PISORTAP AQUTSISUNIT NALUNAARUTAA	3
AKILERAARTARNERMUT AQUTSISOQARFIK PILLUGU PAASSISSUTISSAT 2024.....	5
2024-MI SULINIUTIT PINGAARNERIT	6
AAQQISSUUSSAANEQ INGERLATSINERLU	8
ANGUSAT AALAJANGERSIMASUT	11
2024-MUT ANINGAASANUT INATSIMMI AKILERAARTARNERMUT TUNNGASUT	12
AKILERAARUTIT INERIARTORNERANNUT ATAATSIMUT TAKUSSUTISSAQ.....	21

AQUTSISOQARFIMMI PISORTAP AQUTSISUNIT NALUNAARUTAA

Akileraarutit akitsuutillu
naalackersuinikkut sakkuupput,
inuiaqatigiinni iluaqutinik
nammatassanillu agguataareqataasut.
Akileraartarnermut Aqutsisoqarfik
Inatsisartut Naalackersuisullu
ilisimasaqarluartutik
naalackersuisinnaanissaat anguniarlugu
allaffeqarfimmi allanik suleqateqarpoq.



Aamma inatsisit akuerineqartut Akileraartarnermut Aqutsisoqarfiup suliassaqarfiani sulinermi piviusunngortinneqartarlutik. Akileraartarnermut Aqutsisoqarfik akisussaaffimmit tassannga aallaavilimmik inuiaqatigiillu ingerlalluarnernannut iluaqutaasunik suliassarpassuaqarpoq. Suliassanik isumaginninneq innuttaasunut suliffeqarfinnullu kiisalu Namminersorlutik Oqartussanut kommunitnullu pingaaruteqarluinnarpoq.

Akileraartarnermut Aqutsisoqarfiup pisortanut, tassa Namminersorlutik Oqartussanut kommunitnullu isertitanik qulakkeerinermit suliassai aqutsisoqarfiup atuuffiata ilaata pingaarutillip ilagiinnarpaa. Akileraartarnermut Aqutsisoqarfiup 2024-mi pingaarnertut makku sularai: akileraartarnermut, akitsuutinut, ilanngaaserinermit akiliisitsiniartarnermullu suliassaqarfiit, kiisalu soraarnerussutisiaqalernissamut aaqqissuussamut peqataasussaataaneq pillugu allaffissornikkut suliassanik isumaginninneq qitiutissimavai. Akileraartarnermut Aqutsisoqarfik 2024-mi inatsisiliornermi eqeersimaartumik suleqataasimavoq, inatsisinut nutaanut akisussaaffeqarsimalluni naalackersuisoqarfiilluunniit allat inatsisissatut siunnersuuteqarneranni siunersuisarsimalluni tusarniaaffigineqartarsimallunilu. Taamaalilluni Akileraartarnermut Aqutsisoqarfik ilaatigut Aningaasaqarnermut Akileraartarnermullu Naalackersuisoqarfiup 1. januar 2025-mi atuutilersussatut akuerineqartumik akileraarusiisarnermi iluarsaaqqinnermut annertuumik suleqataasimavoq. Inatsisitigut ilaatigut inummut ilanngaat innuttaasunut tamanut allannngortinneqarpoq, suliffeqarnermut ilanngaatiq qaammatikkaartumik tunniunneqartarnera qulakkeerneqarpoq kiisalu sulisoqarnermut akitsuut qaffanneqarluni.

Tamatuma saniatigut Nuummi Nunanut Tamalaanut Mittarfiup ammarneqarnera mittarfimmi najuulluni sulinerup patajaannerulernissaanut, ilanngaaserisut

sulinerannut atortussat nutaat qulakkeernissaannut kiisalu nutaanik periuseqalernissamut pingaaruteqarluinnarsimavoq.

Innuttaasut inersimasut suliffeqarfiillu tamarmik ukiup ingerlanerani soorlu akileraartarnermut allagartaq, nammineerluni nalunaarsuineq inaarummillu naatsorsukkat, pisortanut akiitsoqarneq imaluunniit suliffeqarfittut akissarsianik nalunaarsuineq akitsuummilluunniit akiliinissaq pillugit Akileraartarnermut Aqutsisoqarfimmut attaveqartuarput. Assigiinngitsorpasuit pillugit innuttaasunik suliffeqarfinnillu attaveqartarnerit uagutsinnut sulisutsinnullu piumasaqarfiusaqaq. Taamaattumik innuttaasunut suliffeqarfinnullu sullissinissarput isiginiarparput, taamaalillutik suliffeqarfiit atukkaminnik pisariaqartitaminnillu aallaaveqartumik saaffiginnissutinillu erseqqissumik, eqqortumik sukkasuumillu sullinneqarnermik misigisaqarniassammata. Tamanna atuuppoq saaffiginninneq qarasaasiakkut imaluunniit nammineq ornigulluni pinersaq apeqqutaatinnagu. Inuppassuit akileraarutitut, akitsuutitut, akiliisitsiniartarnermut pensioninullu tunngasut paasiuminaatsutut isigisarpaat. Akileraartarnermut Aqutsisoqarfiup oqaloqatigiinnermi ajornaatsuunissaq, kiinneraarsinnaaneq paasinartuunissarlu anguniartarpaa. Tamakku ullut tamaasa anguniartarpavut.

Akileraartarnermut Aqutsisoqarfik nuna tamakkerlugu suliffeqarfiussaaq piginnaasaqartoq naammassisagarluartorlu, akileraarutitik, akitsuutitik akiliisitsiniartarnermillu eqqortumik aqutsinermik inuiaqatigiinnut qulakkeerinnittuatoq. Innuttaasunik, atuisunik suliffeqarfinnillu sutigit tamatigit atassuteqarneq ataqqinnittumik ingerlanneqartarput. Tamanna qulakkeersinnaaniarlugu Akileraartarnermut Aqutsisoqarfik suliffeqarfittut suleqatinillu sullissillaqqissunik ineriartortitsinissamut siuttuunissamik anguniagaqarpoq. Innuttaasunik suliffeqarfinnillu tamanik pitsaasumik sullissisutut aamma ineriartornermik paasisimannilluartutut suliffeqarfiunissarput Akileraartarnermut Aqutsisoqarfimmi kissaatigaarput. Nalunngilluinnarparput tamatigit sullissilluartutut isigineqartarnata, inunnimmi suliffeqarfiillu nammineerlutik nalunaarsugaannik nakkutilliinissat taakkunangalu allannguinnissat, kiisalu kingorna akileeqqusinerit immaqalu akileraarutitik akitsuutinillu akilinngitsuukkanik akiliisitsiniarnerit suliassat ilagaat.

Kim Neumann Nielsen, Aqutsisoqarfimmi pisortaq

AKILERAARTARNERMUT AQUTSISOQARFIK PILLUGU PAASISSUTISSAT 2024

Akilerartarnermut Aqutsisoqarfik tassaavoq Namminersolutik Oqartussani allaffeqarfiit ilaat aamma Aningaasaqarnermut Akilerartarnermullu Naalackersuisoqarfiup ataaniittoq. Aqutsisoqarfimmi naalackersuisoqarfiup taamatullu Namminersolutik Oqartussat ilaattut pimoorussineq kiffartuussilluarnissarlu anguniarneqartarput.

Sulisut amerlassusaat amerlassusaat: 125 miss.

Aaqqissugaaneq: Aqutsisoqarfik 2024-mi sisamanik immikkoortortaqrpoq.

- Akileraarutit aamma Nakkutilliineq; akilerarusiineq nakkutilliinerlu, ilanngaaserineq kiisalu sulisitsisut nalunaarsorsimaffiat Sulinal.
- Akiliisitsiniartarneq; inuussutissarsiorlut inuillu akiitsui
- Aningaasaqarneq; naatsorsuutit, akitsuutit
- Ataatsimoorussat; Sulisoqarneq, ineriartorneq periutsillu kiisalu Innuttaasunik Sullissivik.

Akilerartarnermut Aqutsisoqarfik aqutsisoqarfimmi pisortami, nammineq sulisoqartumit aqunneqarpoq.

Allaffeqarfiit

Suliassat Nuummi qitiusumik allaffimmi kiisalu sinerissami illoqarfimmi tallimaasuni; Qaqortumi, Maniitsumi, Kangerlussuarmi, Sisimiuni Ilulissanilu kiisalu Danmarkimi Aalborgimi allaffinni marlunni suliarineqartarput.



**SKATTESTYRELSENS
KONTORER**

Aqutsisoqarfiup inuiaqatigiinnut/attassinissamut akisussaaffiat

Akilerartarnermut Aqutsisoqarfik kalaallinik inuusuttunik ilinniartitseqataavoq. 2024-mi pingasunik ilinniartoqarsimavoq. Akilerartarnermut Aqutsisoqarfiup sulinermi periutsit sapinngisamik pappilialersorfiumnginnissaat sulissutigaa.

Nittartagaq: www.aka.gl

2024-MI SULINIUTIT PINGAARNERIT

PINGAARNERTUT SULIASSAT

Akilaartarnermut Aqutsisoqarfik akilaarutitik akitsuutinillu akiliisitsiniartarnermik isumagisaqartarpoq. Akilaarutitik akitsuutinillu suliassat tassaapput A-nut aamma B-nut akilaarutitik akiliisitsiniarneq, siumoortumik nalunaarsuineq, nammineerluni nalunaarsuineq, akilaarusiineq aamma inunnik inatsisitigullu inuttut pineqartunik misissuineq, akitsuutitik akiliisitsiniarneq nakkutilliinerlu. Taamatuttaaq aqutsisoqarfiup nioqqutissanik eqqussuinermik nakkutilliineq, ikiaroorartunik nakkutilliineq ilanngullugu isumagisarai. Akilaartarnermut Aqutsisoqarfiup soraarnerussutisiaqarnissamut aqqissuussinermit peqataasussaataaneq allaffissornikkut aamma ingerlataraa.

Ullumikkut Akilaartarnermut Aqutsisoqarfik suliffeqarfinnut atatillugu nalunaarsorneqarnissamut pisussaasuni nalunaarsuinerit, allannguinerit, taamaatitsinerit il.il. CVR-imut (Inuussutissarsiummik Ingerlataqartunik Nalunaarsuiffik) allattoqarfittut isumaginnippoq.

Akilaartarnermut Aqutsisoqarfittaaq Namminersorlutik Oqartussat, kommunit, Ini A/S, Nukissiorfiit il. il. akiitsuunik kiisalu nunanut avannarlernut akiligassanik akiliisitsiniartarpoq.

AAQQISSUUSSAANERMIK PITSAANERULERSITSINEQ

Akilaartarnermut Aqutsisoqarfiup eSkatimik kiisalu suliffimmi suleriaatsinik periutsinillu ingerlaavartumik naleqqussaallunilu isumannaallisaasarpoq. Aqutsisoqarfik 2024-mi pisortat aningaasaqarnermik ataatsimoorussamik aqutsissutaasa nutaap iluatsittumik atuutilersinneqartup sutigut tamatigut inissitassanik suliaqarsimavoq kiisalu pingaartumik akiliisitsiniartarfirmi aaqqiissutit pitsanngorsarnissaannut isumalluutitik atuisimalluni. Kingorna iluarsaassinernut systemimullu naleqqussarnernut isumalluutitik annertuunik atuisoqarsimavoq.

SULIFFEQARNERMUT ILANNGAATINUT TUNNIUNNEQARTUNUT SYSTEMIMIK INERIARTORTITSINEQ (SULILA-TAPIT)

Naalakkersuisut akilaartarnermik aqqissuusseqqinnerup naammassiniarnerani aalajangerput, aqqissuusseqqinnerup ilaa annertoq tassaassasoq suliffeqarnermut ilanngaait qaffarujussuarnissaat, innuttaasunullu amerlasuunut qaamatikkaartumik tunniunneqartassasut. Taamaattumik Akilaartarnermut Aqutsisoqarfik sulinermit ilanngaait qaamatikkaartumik tunniunneqartarnerisa isumaginissaannut IT-kkut systemimik nutaamik ineriartortitsinermik aallartissinnaasoq 2024-mi aasakkut akuerineqarpoq.

Systemip ineriartortinnera, sulinerimi periutsinik nutaanik pilersitsineq, sulisitsisunit aningaasaqarnermillu ingerlataqarfinit nalunaarsuinerit nutaat minnerunngitsumillu 2024-p affaani siullermi tamarmi ingerlatat aaqqiissutillu nutaat suliarineqarsimapput saniatigullu inatsisit aningaasalersuinerillu ineriartornerat malinneqarsimallutik.

UMIARSUALIVIMMIINNERMUT AAMMA UMIARSUARNI TAKORNARIANIK ANGALLASSISUNI ILAASUNIT AKILERAARUTINIK NALUNAARUTEQARTARNERMUT SYSTEMIMIK INERIARTORTITSINEQ (TALIPPOQ)

Akilerartarnermut Aqutsisoqarfik 2024-mi IT-kkut systemimik Talippoq-mik, umiarsualivimmiinnermut umiarsuarnilu takornarianik angallassisuni ilaasunit akileraarutitik nalunaaruteqartarnermut atugassamik ineriartortitsivoq. Systemi umiarsualiviit takornariartaatillu qanimut oqaloqatiginerisigut ineriartortinneqarpoq.

OQARTUSSANIK ALLANIK SULEQATEQARNEQ


Akilerartarnermut Aqutsisoqarfiup Danmarkimi Akilerartarnermut Aqutsisoqarfik ilanngaaserinermullu Aqutsisoqarfik suliassaqarfinni arlalinni suleqatigisarpai. Sulianik ulluinnarni suliqaqarnermi aamma pisortat akornanni ingerlaavartumik oqaloqatigiittoqartarpoq. Suleqatigiinnissamik isumaqatigiissutit akuttunngitsumik nutarterneqartarput, 2024-milu ilisimasanik avitseqateqarnerulernissaq, sulisutigut isumalluutitik atukkiisinaanermut periarfissat annertusarnissaat, ataatsimiinnerit, paasisassarsiorneq suliniutillu allat isiginiarneqarsimapput. Taamatuttaaq suleqatigiinnissamik isumaqatigiissutit ajornartorsiutit aalajangersimasut pillugit saaffiginnissutit isumagisarnerannut tunngavigineqartarput.

Tamatuma saniatigut Aningaasaqarnermut Akilerartarnermullu Naalakkersuisup danskillu akilerartarnermut ministeriata ikiaroorartunut tunngatillugu pinerlunnerit akiorniarlugit suliniutip kiisalu ilanngaaserinermut suliassaqarfimmi suliniutip annertusarnissaannut siunniussaqaqarnertik nalunaarutigaat.

2024-mi Savalimmiut, Danmark aamma Kalaallit Nunaat ilanngaaserinermut suliassaqarfik kiisalu nunat marluk akornanni suleqatigiinnissamik isumaqatigiissuteqarnissat nutaat pillugit ataatsimoorussamik nalunaaruteqarput.

AAQQISSUUSSAANEQ INGERLATSINERLU

Aqqissuussaaneq 2024 naallugu ataani takutinneqartutut isikkoqarsimavoq.



AQUTSISUNUT SULLISSIVIK

Aqutsisunut sullissiviup aqutsisut allattoqarnermik suliassaqarfiillu akornanni ataqatigiissaarinermik ikiortarpai. Aqutsisunut sullissiviup aqutsisoqarfiup attaveqartarnera kiisalu Aningaasaqarnermut Akileraartarnermullu Naalackersuisoqarfik aqqutugalugu naalackersuisunut tunniussinerit isumagisarpai. Aqutsisunut sullissiviup isumalluutitik atuinermut akitsuutitik, sermimut imermullu akitsuutitik akiliisitsiniartarneq aamma akisussaaffigaa. Kiisalu nunani tamalaani isumaqatigiissutitut kiisalu nunani tamalaani oqartussat akornanni paasissutissanik paarlaasseqatigiittarnermut tunngatillugu oqartussaasutut piginnaatitaasutut suliassaq isumagisarpaat.

Immikkoortortaqaqarfimmi akisussaaffeqarfik annertoqq alla taassaavoq aqutsisoqarfiup systemiit akisussaaneq, aqutsisoqarfiup suliniutaannik aqutsineq suliassaqarfiillu ineriartortinneqartut kiisalu suliassaqarfiit assigiinngitsut akornanni periutsini erseqqissuunissaq ataqatigiinnissaannillu qulakkeerinissaq. Innuttaasunut tunngatillugu periutsinik pitsanngorsaaneq kiisalu digitaalinnngorsaaneq annertusarnissaat immikkut isiginiarneqarsimapput.

ANINGAASAQARNERMUT IMMIKKOORTORTAQ

Immikkoortortaqarfimmi aqutsisoqarfiup akiliisitsiniarneri, akiliisarnerit, akiliutigineqartut, ilanngaassinerit, nalunaarsuinerit amerlanerussuteqartut aamma akileraarutinin akitsuutinullu amerlanerusunik aqutsineq isumagineqartarput. Tassunga ilaatigut ilaapput eqqussuinerit akitsuutit, motorinut akitsuutit, umiarsualivimmiinnermut akitsuut, pappiaqqanik nalilinnik naqissusiinerit akitsuut, eqquiniaasitsinerit akileraarut, aningaasanik ikisisarluni pinnguaatinut akitsuut, akiliisitsilluni piniartitsinerit aalisarnermullu akitsuutit, nunap iluani imeruersaatit tunisassiornerit akitsuutit kiisalu tipsernerit lottornermilu akitsuutit. Taakku saniatigut Akileraartarnerit Aqutsisoqarfiup ingerlatsinerit naatsorsuutaanut tunngasut isumagisarpai. Aningaasaqarnerit immikkoortortaq Akileraartarnerit Aqutsisoqarfiimmi paasissutissat amerlanersaannik suliaqarpoq.

AKILERAARUTIT NAKKUTILLIINERLU

Immikkoortortaq Maniitsumi, Kangerlussuarmi, Sisimiuni Ilulissanilu kiisalu Danmarkimi sulisoqarpoq. Suliassaqarfimmi suliamut ilisimasatigut innuttaasunut suliffeqarfinnullu ikiuisarneq ilitersuisarnerlu, suliffeqarfinnik ingerlatseqatigiiffinnillu il.il. akileraarutinin akitsuutinullu tunngasuni tamani akileraarusiineq misissuinerlu kiisalu soraarnerussutisiaqarnermik aaqqissuussamut peqataasussaataaneq isumagineqarput. Immikkoortortamit ilatigut nuna tamakkerlugu akileraarummik, nuna tamakkerlugu immikkut akileraarut aamma ingerlatseqatigiiffiit akileraarutaat, tassa akileraarutit A-t, akileraarutit B-t aamma ingerlatseqatigiiffiit akileraarutaat, aningaasaliissutinin pissarsiassat ilaannik akileraarusiineq il.il. akisussaaffigineqarput. Innuttaasut suliffeqarfiillu tamarmik eqqortumik akileraarummik akiliinissaasa qulakkeerneqarnissaa qitiutinneqarpoq. Sulisitsisunik nakkutillineq isumalluutinin pisariaqartitsiffiuvoq, taamaalillutik paasissutissat eqqortumik piffissaagallartillugulu nalunaarutigineqarniassammata.

Kiisalu nunani tamalaani isumaqatigiissutinin kiisalu nunani tamalaani oqartussat akornanni paasissutissanik paarlaasseqatigiittarnerit tunngatillugu oqartussaasutut piginnaatitaasutut suliassaq isumagisarpaat.

AKILIISITSINIARTARNEQ

Akiliisitsiniarnerit Immikkoortortaqarfik Maniitsumit aqunneqarpoq. Innuttaasut suliffeqarfiillu Kalaallit Nunaanni pisortanut akiitsuisa akilersinniarneqarnissaasa qulakkeernissaanik immikkoortortaq suliassaqarpoq. Kiffartuussineq immikkoortortaqarfimmit isumagineqartoq Kalaallit Nunaannut tamarmut atuuppoq. Akiliisitsiniartarfik nalinginnaasumik innuttaasunut suliffeqarfinnullu ukiumut marloriarluni Nuummumut, ukiumut ataasiarluni Ilulissanut taakkulu saniatigut ukiumut illoqarfinnut arfineq-pingasuniit qulinut orniguttarpoq. Immikkoortortaqarfik innuttaasunut suliffeqarfinnullu akiitsuinut tunngatillugu periutsit sunniuteqarnerpaat atorlugit kajumissaariutigaluni innuttaasut suliffeqarfiillu pisortanut akiitsuminnik taarsersuisinnaassusaannik annertusaanissamik ingerlaavartumik isiginiagaqartarpoq. Taamaattumik siunissami ungasinnerusumi inissisimanerminnik qanoq isumaginnissinnaanerit pillugu innuttaasunut suliffeqarfinnullu aamma ilitersuisoqartarpoq.

Akiliisitsiniartarfiup suliniuteqarneratigut ataatsimut 2024-mi akiitsut 251.917.929 kr.-t akilerneqarsimapput.

ILANNGAASERISOQARFIK

Angalasunik tikittunik aallartunillu kiisalu nioqqutissanik eqqussinermi annissinermilu nakkutillineq Ilanngaaserisoqarfiup suliarai.

2024-mi aalakoornartup cigaritsillu akitsuuteqanngitsut eqqussuuneqarneri pillugu nakkutillineq ilatigut aalakoornartut 80 literit cigaritsillu kartonit 70-it arsaarinnissutaanerannik kinguneqarpoq. Tassunga atatillugu 132.986 kr.-t akiligassiissutigineqarput.

SULIAT ATAATSIMORUSSAT

Akilerartarnermut Aqutsisoqarfiup Innuttaasunut Sullissivia Akilerartarnermut Aqutsisoqarfiup avammut sullitanut tunngatillugu kiinnertartora. Akilerartarnermut Aqutsisoqarfimmut saaffiginnissutit akilerarnermut, akiliisitsiniarnermut, momsimumt allagartanik naqitsisarnermut, akitsuutinut, CVR-mut allanullu atatillugu tamarmik pingaarnertut innuttaasunut sullissivikkoortarput. Taassuma saniatigut sulisut pillugit sulianut, akissarsianut, attartornermut il.il. tunngasut suliarisarpaat.

Ulluinnarni ornigullutik saaffiginnittunik sullissinerup saniatigut, Akilerartarnermut Aqutsisoqarfimmi Innuttaasunut Sullissiviup suliassat allat, soorlu e-mailikkut apeqqutinik, oqarasuaatikkut saaffiginnittunik akissuteqarnerit il.il. isumagisarpai. Innuttaasunut Sullissiviup taamatuttaaq innuttaasut isertitaannik, pingaartumik ukiumut akissarsiat allagartaat nutaat il.il. takkukkaangata ingerlaavartumik allannguisarnerit suliarisarpai.

2024-mi Ilulissani, Sisimiuni, Maniitsumi, Nuummi, Paamiuni Qaqortumilu Akilerartarnermut Aqutsisoqarfimmi ornigullutik saaffiginnittarfimmut saaffiginnittut qaammammut agguaqatigiissillugit 2.500 missaanniissimapput. Ornigulluni saaffiginninnerit saniatigut aqutsisoqarfiup pingaarnertut oqarasuaataanut sianertut ullormut agguaqatigiissillugit 300-t sinneqartut isumagineqartarput.

ANGUSAT AALAJANGERSIMASUT

INAAARUMMIK NAATSORSUINEQ

Akilerartarnermut Aqutsisoqarfiup 2024-p ingerlanerani inunnut 48.889-inut akileraarusiinnermut paasissutissat ukiumut akileraaruteqarfiusumut 2023-mut inaarummik naatsorsuutitut nalinginnaasunut tunngasut suliarisimavai.

Sulianik suliaqarnerup il.il. kingunerisaanik inuit ataasiakkaat inaarummik naatsorsuutaannik katillugit 1.863-it allanngortinneqarput.

AALAKOORNARTOQ CIGARETSILLU

Nunamut angalanermi poortukkanillu nassiussanik il.il. nakkutilliineq aalakoornartut 80 literit, sunoorsit poortat 315-it cigaretsillu 14.040-t, tassa kartonit 70-it arsaarinnissutaanerannik kinguneqarsimavoq. Tassunga atatillugu 132.986 kr.-t missaanniittut akiliisitsissutigineqarsimapput.

IKIAROORNARTOQ ANINGAASALLU

Ikiaroornartunut aningaasanullu tunngatillugit nakkutilliineq, ilaatigut hashinik 72,528 kg-nik kokainimillu 420,06 gram-inik arsaarinninnermik kinguneqartoq.

Tamatuma saniatigut aningaasat 2.136.400 kr.-t arsaarinnissutigineqarsimapput. Ikiaroornartuq aningaasallu suliarinninnerup ingerlaqqinnissaanut politiiinut tunniunneqarput.

KUKKUNERSUIINERMIK SULIAT

Aqutsisoqarfiup kukkunersuisartuisa 2024-mi suliat 2.260-it suliarisimavaat (2023-mi suliat 1.412-iusimallutik). Suliani 1.658-ini 368.652.796 kr.-nik qaffaasoqarsimavoq kiisalu suliani 602-ni 75.712.914 kr.-nik appaasoqarsimalluni.

AKILERAARTARNIKKUT AKILIGASSIISUTIT

Aningaasaqarnermut Akilerartarnermullu Naalackersuisoqarfik 2024-mi sulianik pingasunik akisussaaneramik nalilersuinnermut tunngasunik tigusaqarsimavoq. 2024-mi suliat sisamat akiligassiissutigineqarnissaannik inernilerlugit naammassineqarsimapput, suliallu arfineq-pingasut Politiinut ingerlateqqinneqarsimallutik.

AKILERAARUTINIK NAATSORSUINERIT

Tamatuma saniatigut 2024-p ingerlanerani akileraarutininik naatsorsuinerit 2023-mut ukiumut akileraaruteqarfiusumut ingerlatseqatigiiffinnut tunngasut 1.259-it kiisalu akileraarutininik naatsorsuinerit 43-t allanngortinneqarput.

2024-MUT ANINGAASANUT INATSIMMI AKILERAARTARNERMUT TUNNGASUT

2024-mi akileraartarnermut akitsuutinullu inatsisit tullinguuttumiittut akuerineqarput

Nioqutissanik eqqussuinerimi akitsuutit pillugit Inatsisartut inatsisaata allangortinneqarnera pillugu Inatsisartut inatsisaat nr. 33, 4. juni 2024-meersoq (Akitsuutinik appartitsineq atorunnaarsitsinerlu).

Aningaasarsianit akileraarutit pillugit Inatsisartut inatsisaata, akileraaruserinermik ingerlatsineq pillugu Inatsisartut inatsisaata aamma sulisoqarnermut akitsuut pillugu Inatsisartut inatsisaata allangortinneqarnerat pillugu Inatsisartut inatsisaat nr. 51, 25. november 2024-meersoq (Akileraaruserinermi iluarsaaqqinnerup piviusunngortinneqarnera il.il.).

Akileraaruserinermik ingerlatsineq pillugu Inatsisartut inatsisaata allangortinnissaa pillugu Inatsisartut inatsisaat nr. 56, 25. november 2024-meersoq (Sulisorisanik atukkiussinerimi nalunaaruteqarnissamut pisussaaffik).

Unnuinerimi akitsuut pillugu Inatsisartut inatsisaat nr. 52, 25. november 2024-meersoq.

2025-mut aningaasanut inatsissamut siunnersuutip kiisalu 2025-mut nuna tamakkerlugu akileraarutit aamma nuna tamakkerlugu immikkut akileraarutit akuersissutiginnissaanut killigittat sivitsorneqarnerat pillugit Inatsisartut inatsisaat nr. 46, 12. november 2024-meersoq.

2024-mi nalunaarutit tullinguuttumiittut akileraartarnermut akitsuutinullu tunngasut aalajangersarneqarput

Tikinnermi nioqutissanik akitsuuteqanngitsunik eqqussisinnaneq pillugu Namminersorlutik Oqartussat nalunaarutaat nr. 48, 21. november 2024-meersoq.

Nioqutissanik eqqussuineq annissuinerlu pillugit Namminersorlutik Oqartussat nalunaarutaat nr. 49, 21. november 2024-meersoq.

2025-mi akileraarutitigut naligiisaanissaq aamma kommuninut ataatsimut akileraarutit agguataarneqarnissaa pillugit Namminersorlutik Oqartussat nalunaarutaat nr. 63, 28. november 2024-meersoq.

2024-mi Akileraartarnermut Aqutsisoqarfiup nalunaarutit tullinguuttumiittut aka.gl-ikkut tamanut saqqummiuppai

Akileraartarnermut Aqutsisoqarfimmit 2024-mut najoqqutassiaq nr. 158, 3. oktober 2024-meersoq.

Akeqanngitsumik ajunngitsorsiat nalinginik 2025-milu sulinermut ilanngaat pillugit aqqiinissamut nalunaarut nr. 159, 3. oktober 2024-meersoq.

Akileraartarnermut Aqutsisoqarfimmit najoqqutassiaq nr. 160, 3. november 2024-meersoq.

Akileraartarnermut Aqutsisoqarfimmit najoqqutassiaq nr. 161, 25. november 2024-meersoq: Ilaqutariinni inissiisarnermi paaqqinninersiutit isertat A-tut.

Ukiuumut aningaasarsiorfiusumut 2025-mut procentit akileraarusiissutissat pillugit nalunaarut nr. 162, 6. december 2024-meersoq.

Sulinermut ilanngaatiip januarip aallaqqaataat 2025 aallernerfigalugu allangortinneqarneranut tunngatillugu nalunaarut nr. 163, 10. december 2024-meersoq.

Suliassaqarfimmut 20 – 24-mut, Aningaasaqarnermut Naalackersuisoqarfik aamma Akileraartarnermut Aqutsisoqarfik, nassuiaatit.

Nr. 1. Aningaasaqarnermut Naalackersuisoqarfiup ilaatigut akileraartarnermut akiliisitsiniartarnermullu tunngasut akisussaaffigalugit isumagisarpai, tassunga ilanngullugit eqqartuussivimmi suliat, akiliisinnaajunnaarnermik nalunaarutiginninnerit, akiliisitsiniartarnerit il.il. Akiliisinnaajunnaarnermik nalunaarutiginninnerit il.il., aamma Akileraarusiinermik Aalajangiisartut aalajangigaannik il.il. misiliinerni aammalu Kalaallit Nunaata avataani pisortat pisassaannik akiliisitsiniartarnermut atatillugu eqqartuussissuserisunut aamma tamanut ammasumik neqeroorteqartitsinerit Aningaasaqarnermut Sulisoqarnermullu Aqutsisoqarfimmi aqqissuunneqartut pillugit eqqartuussinermik isumaqatigiissitsiniarnermillu sulianut aningaasartuutunik pilertunik aningaasalersuisinnaanissaq qulakkeerniarlugu konto pingaarneq manna pilersinneqarsimavoq.

Oqaasertaliussat AI 2023-mit ingerlateqqitaapput.

Nr. 2. Oqaasertaliussat uku aqqutigalugit Akileraartarnermut Aqutsisoqarfik Namminersorlutik Oqartussanut pissarsiassat 300,00 kr.-nik ikinnerusunilluunniit annertussusillit isumakkeerinnissutiginissaannut piginnaatitaalerpoq.

300,00 kr.-nik ikinnerusunilluunniit isumakkeerinnissamut piginnaatitaaffiugaluartoq, Akileraartarnermut Aqutsisoqarfik Namminersorlutik Oqartussanut akiitsunik tamanik 100,00 kr.-nik ikinnerusulluunniit annertussusillinnik isumakkeerinnittassaaq.

Namminersorlutik Oqartussanut pissarsiassat tamaasa 100,00 kr.-nik ikinnerusunilluunniit annertussusillit isumakkeerinnissutigisarnesisigut isumakkeerinnissutillu taamatut killilerneqarnerisigut isumakkeerinnissutit aningaasatigut annertussusiisa innuttaasullu inatsisitigut isumannaatsuunissaasa akornanni oqimaaqatigiinneq pitsaanerpaassasoq Akileraartarnermut Aqutsisoqarfik isumaqarpoq.

Akileraartarnermut Aqutsisoqarfiup piginnaatitsissut Akileraartarnermut inatsimmut naleqquttumut, 2021-mi Inatsisartut ukiakkut ataatsimiinnerinut atatillugu imaluunniit kingusinnerpaamik 2022-mi ilanngunneqarsinnaajumaartoq naatsorsuutigaa. 2020-mi oqaasertaliussaq ilassutitut aningaasaliinikkut akuerineqarpoq, takuuk IA-suliap nr. 20-900.

Oqaasertaliussat AI2023-mit ingerlateqqitaapput.

Nr. 3. Oqaasertaliussatigut akiitsut, pisortanit allanit akiitsoqarfigisanit akiliisitsiniarnissaq siunertaralugu Akileraartarnermut Aqutsisoqarfiup tigusinnaasai 100 kr.-nut minnerpaaffissalerneqarput.

Taakkua 100,00 kr.-t akiligassap ataatsip annertussusaanut matussusiipput. Erniat akiligassamut immikkut ittumik akiligassatut allanneqassapput.

Oqaasertaliussat uku atorlugit Akileraartarnermut Aqutsisoqarfiup pissarsiassat 100,00 kr.-usut ikinnerusulluunniit, Namminersorlutik Oqartussat pisortalluunniit oqartussat allat il.il. akiligassaqarfiupata itigartitsissutigissavai.

Akiligassaqarfiiit akiligassanik annikinnerusunik akiliisitsiniartarnerat namminnerlu aqutsissutiminni matussusiisarnerat oqaasertaliussatigut mattunneqanngillat.

Oqaasertaliussat AI2023-mit ingerlateqqitaapput.

Kontomut pingaarnermut, 24.01.01 Akileraartarnermut Aqutsisoqarfik, allaffissorneq

Konto pingaarnermi matumani atuinerunermik atuinikinnerunermilluunniit ukiumut aningaasanut inatsiseqarfimmut tullermut nuussinissamik Naalakkersuisut piginnaatinneqarput. Aningaasaliissutinit amerlanerpaamik 3.000.000 kr.-t nuunneqarsinnaapput.

Kontomut pingaarnermut, 24.01.01 Akileraartarnermut Aqutsisoqarfik, allaffissorneq, nassuiaatit.

Akileraartarnermut Aqutsisoqarfiup IT-kkut atortorissaarutai, e-akileraarneq ilanngullugu, ingerlaavartumik ineriartortinneqassapput ingammillu nutaamik inatsisiliornerup imaluunniit allannguuteqartitsinerup malitsigisaanit naleqqussarneqarlutik. Ineriartortitsinermik suliat ilaanneeriarlutik ukiunik aningaasanut inatsiseqarfiusunik arlalinnik sivissussuseqarsinnaasarpud, taamaammallu eqaannerulersitsinissaq pisariaqarpoq.

Nutaamik ERP-systemimik pisaarnissaq kiisalu ukiuni aggersuni annertuunik iluarsartuussinissaq eqqarsaatigalugu, IT-kkut atortorissaarutimik ineriartortitsinissaq naleqqussaannissarlun ilimagineqartariaqarput. Suliaasat taamatut annertussusillit ukiup aningaasanut inatsiseqarfiusup ataatsip iluaniitiinnarnissaat naammannaviangilaq.

Oqaasertaliussat AI2023-mit ingerlateqqitaappud.

Siunertamut kontomut, 24.10 Toqqaannartumik akileraarutit.

Nr. 1. Nuna tamakkerlugu akileraarutip procentia Inatsisartut inatsisaanni nr. 12, 2. november 2006-imeersumi § 61, imm. 2 naapertorlugu 2024-mi 10-ussasoq aalajangerneqarpoq.

Nr. 2. Nunamut tamarmut immikkut akileraarut Inatsisartut inatsisaanni nr. 12, 2. november 2006-imeersumi § 64, imm. 2 naapertorlugu 2024-mi 26-ussasoq aalajangerneqarpoq.

Nr. 3. Suliffeqarfiit nunanit allaneersut tamarmik akuersissutit assigisaallu naapertorlugit Kalaallit Nunaanni ingerlatsisut kiisalu suliffeqarfiit akuersissutinut taama ittunut assigisaannullu atatillugu isertitalit, Kalaallit Nunaanni Danmarkimiluunniit angerlarsimaffeqartut Suliffeqarfinnik Qitiusumik Nalunaarsuiffimmi (CVR) nalunaarsorsimassappud.

Nr. 4. Ingerlatseqatigiiffiit filmiliornermik suliallit Nioqqutissanik eqqussuinermit akitsuutit pillugit Inatsisartut inatsisaanni nr. 19, 30. oktober 1992-imeersumi § 1, 19-21 aamma 27-mi nioqqutissanut taaneqartunut eqqussuinermit ukiumi akileraarutinut A-nut, suliffeqarnermut akitsuutinut aamma eqqussuinermit akitsuutinut akiliutigineqartunut kiisalu Qamutit motoorillit akileraarutaat pillugit Inatsisartut inatsisaat nr. 3, 16. juni 1987-imeersuq malillugu Kalaallit Nunaanni filmimik arlalinnilluunniit immiussinermit, tunisassiornermit il.il. atatillugu filmiliorfiup akiliutigisimasaanut 10 mio. kr.-t angullugit utertoorsinnaanerannut neriorsuiffiginissaannik Naalakkersuisut piginnaatinneqarput.

Utertoorutissanik tunniussisoqassappat piumasarineqarpoq:

- 1. Qaammatisiutit malillugit ukiumi ingerlatseqatigiiffiup filmiliornermik suliallip akileraarutinut akitsuutinullu akiliutigisimasai 3 mio. kr.-nik qaangiissanngitsut.
- 2. Qaammatisiutit malillugit ukiup naaneraniit kingusinnerpaamik qaammatit pingasut qaangiutsinnagit qinnuteqaammik ukiup siuliani akileraarutinut akitsuutinullu akiliuteqarsimanermit uppersaatissanik ilalimmik Akileraartarnermut Aqutsisoqarfimmut nassiussisoqassaaq.

Nr. 5. Soraarnerussutisiaqarnissamut aqqissuussinermit pinngitsoorani ilaanissaq pillugu Inatsisartut inatsisaanni § 7, imm. 3 malillugu tapiissutaasut ukiumi tapiissutigineqartut tunniunneqarfianni akileraarutaagallartussatut isigineqarnissaat pillugit Naalakkersuisut akuersissuteqarnissaminnut piginnaatinneqarput.

Nr. 6. Akileraartarnermut Aqutsisoqarfik innuttaasup angerlarsimaffiata kommunianit inassuteqartoqartillugu, innuttaasooq

akiliisussaataaneramik ukiut sisamat iluanni naammassinnissinnaangitsutut nalilerneqarpat tamannalu innuttaasup timikkut tarnikkulluunniit sakkortuumik nappaateqarneranik pissuteqarpat, Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat malillugu akiliisussaataanerup annikillisinnissaanut imaluunniit akiliinissap akilerneqarsimangitsup akileeqqusissutigineqarsimangitsullu atorunnaarsinnissaanut piginnaatinneqarput.

Nr. 7. Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi kingusinnerusukkullu Inatsisartut inatsisaatigut nr. 11, 1. december 2021-meersutigut allangortinneqartumi § 19 b, imm. 3-mi aalajangersakkat atunginnissaannut Akileraartarnermut Aqutsisoqarfik piginnaatinneqarpoq.

Nr. 8. Kalaallit Nunaanni allaffimmik sinniisoqarfimmik EU-p pilersitsinissaa pillugu EU Kommissionimik isumaqatigiisummut atasumik Kalaallit Nunaanni EU-p allaffiani sullissisussamik innunik aallartitaqarnissap akuerinissaanut Naalakkersuisut piginnaatinneqarput, kiisalu taakku ilaqutariinni ilaasortaasa aningaasarsianit akileraarutit pillugit inatsisartut inatsisaanni § 3, imm. 1, nr. 3 malillugu innunut ilaatinneqartut assinganik aningaasarsianit akileraarutit pillugit inatsisartut inatsisaat malillugu aningaasarsiat akileraarusinnginnissaa.

Aningaasarsiat, Kalaallit Nunaanni EU-p allaffittut sinniisoqarfianit akilerneqartut, imaluunniit EU-mit inuit aallartitaasut, aningaasarsianit akileraarutit pillugit inatsisartut inatsisaanni § 75, imm. 3, nr. 2 malillugu naalagaaffiit allat aallartitaannut atuuttut annertoqataannik isertitat A-tut isigineqannginnissaannik aalajangersaanissamut Naalakkersuisut piginnaatinneqarput.

Naalakkersuisut aamma, Kalaallit Nunaanni allaffimmik sinniisoqarfimmik EU-p pilersitsinissaa pillugu EU Kommissionimik isumaqatigiisummut atasumik allaffiup sinniisoqarfiup, kiisalu allaffimmi sullissisut EU-mit aallartitat, nioqqutissanik qamutinullu assakaasulinnik eqqussinermi, Kalaallit Nunaanni allaffiup sulineranut atasumik eqqunneqartunut, inatsimmi § 3, imm. 1, nr. 1, litra e aamma nr. 2, litra b malillugu taamaaqataannik, akitsuutit pillugit inatsisartut inatsisaat malillugu eqqussinermi akitsuuteqannginnissaasa akuerinissaanut piginnaatinneqarput.

Allaffittut sinniisoqarfittut imaluunniit inuit aallartitaasut taakkulu ilaqutaasa sulisutut inissiatut atugassanik illunik pisinermut atatillugu EU Kommissionip naqissusiinikkut akitsuuteqarnissaannut Naalakkersuisut piginnaatinneqarput.

Naalakkersuisut tassunga ilanngullugu isumaqatigiisummut atasumik EU-p allaffianut atuuttussanik akileraarutinik akitsuutinillu sutigut akiliinnginnissaanut killiliussanik aalajangersaasinnaapput.

Siunertamut kontomut, 24.10 Toqqaannartumik akileraarutit, nassuiaatit.

Nr. 1. Aningaasarsianit akileraarutit pillugit inatsit kingullermik Inatsisartut inatsisaatigut nr. 11, 1. december 2021-meersutigut allangortinneqarpoq.

Akileraarutip procentia ukiut tamaasa aningaasanut inatsisip akuersissutigineqarneranut atatillugu aalajangersarneqartarpoq, taamaaliornikkummi eqaannerusumik sulisoqarsinnaasarmat aningaasanut inatsisissap aappassaaneerneqarnerani pingajussaaneerneqarneranilu allannguutissatut siunnersuutit aningaasalersornissaannut atatillugu. Nuna tamakkerlugu akileraarummit iluanaarutit kontomut pingaarnermut, 24.10.10 Nuna tamakkerlugu akileraarut, isertitatut nalunaarsorneqassapput.

Oqaasertaliussat AI 2023-mit ingerlateqqitaapput.

Nr. 2. Tuttut, uumasooq ataaseq

Nuna tamakkerlugu immikkut akileraarut kommunit aggonnerisa avataanni Akileraarnermut Aqutsisoqarfimmit akileraarfissatut isigineqartuni akileraartussaataitaasunit akileraarutigineqartarpoq, tassanilu pingaartumik Pituffik pineqarpoq. Nuna tamakkerlugu immikkut akileraarummit iluanaarutit kontomut pingaarnermut, 24.10.11 Nuna tamakkerlugu immikkut akileraarut, isertitatut nalunaarsorneqassapput.

Oqaasertaliussat AI 2023-mit ingerlateqqitaapput.

Nr. 3. Aningaasarsiat akileraarutit pillugit inatsisartut inatsisaanni nr. 12, 2. november 2006-imeersumi § 2 imm. 2-5 aamma § 3 imm. 3 kingusinnerusukkullu allannguutaasimasut naapertorlugit akileraarutitugit isertitaqartalernissaq anguniarlugu suliffeqarfiit nunanit allaneersut siuliani pineqartut CVR-imut nalunaarsorneqarsinnaalernissaasa tunngavissaqalernissaat oqaasertaliussatigut qulakkeerneqarpoq.

Oqaasertaliussat AI 2023-mit ingerlateqqitaapput.

Nr. 4. Nunarpassuit namminneq nunaminni minnerunngitsumik filmirik aliikkutassianik immiussisoqarnissaa pillugu ingerlatseqatigiiffinnut filmiliornermik sulialinnut ussassaarisarput, matumani assilinqarsimasut namminneq nunaminnik pilersaarinnissap nunani allani takuneqarnissaa neriuutigalugu.

Assersuutigalugu Island aamma Norge utertitsisoqartarnissaanut aaqqissuussinernik atuilersimapput. Aaqqissuussinerit assigiinngillat, nunalli marluullutik akileraarutinut tunngasunik aallaaveqarnissaat ilimanarpoq.

Oqaasertaliussatigut nunatsinni filmirik immiussinissap tunisassiornissallu il.il. pilerinarnerulernissaa, tamannalu aqutugalugu Nunatta nunani allani nittarsaaneqarnissaa siunertarinqarpoq. Taamatut aaqqissuussineq aqutugalugu ingerlatseqatigiiffiit filmiliornermik suliallit nunanit allaneersut soqutiginninnerulissapput, tamannalu aqutugalugu kalaallit isiginnartitsisartut, teknikerit allallu suliffissaqartinnissaat annerulersillugu aamma kalaallit taamatut suliallit suliaasaannik nutaanik periarfissillugit.

Ingerlatseqatigiiffik filmiliornermik sulialik tassaavoq inatsisitugit pisinnaatitaaffilik filmertarfinni imaluunniit tv-kkut siammarteriffiusuni takutitsisarnissaq siunertaralugu filmirik aliikkutassianik piviusulersaarusanillu immiussinissamik, tunisassiornissamik aamma pilersaarinnissamik siunertalik.

Akileraarutinut A-nut akitsuutinullu ingerlatseqatigiiffiup filmiliornermik suliallip nammineerluni akilersimasai kisimik utertitsinissamut aaqqissuussinermut ilaapput. Akileraarutinut A-nut akitsuutinullu assersuutigalugu ingerlatseqatigiiffiup allap akilersimasai matumunnga ilaangillat.

Neriorsuisoqarnissaanut qinnuteqaatit ingerlaavartumik akileraaruseriffimmut tunniunneqarsinnaapput. Akileraarutinik akitsuutinullu utertitsisoqarnissaa pillugu akileraaruseriffiup aalajangiinissaa sioqqullugu filminut allatullu kulturikkut sulianut tapiissuteqartoqarsinnaanera pillugu sulianik suliarinnittartunut akisussaasumut oqaaseqaammik piniartoqaqqaassaaq, tassanilu paasinianeqassaaq siuliani taaneqartutut ingerlatseqatigiiffik filmiliornermik sulialik pineqarnerpoq.

Allaffisornikkut atugassaritat tunngavigalugit siunnersuutigineqarpoq ukiumut ataasiannarluni utertitsisoqarnissaanut qinnuteqartoqartassasoq, tamannalu ukiup qaammatisuteqarfiusup naanneraniit qaammatit pingasut qaangiutsinnagit pisassaaq. Ulloq piffissaliussaq qaangerneqarpat utertitsisoqarsinnaanera periarfissaajunnaassaaq, naak Naalakkersuisut neriorsuereersimagaluartut.

Ingerlatseqatigiiffiup filmiliornermik suliallip namminersortup ukiumut qaammatisuteqarfiusumut ataasiannarmut 10 mio. kr.-t angullugit akileraarutinut A-nut akitsuutinullu utertitsiffiqarsinnaanissaa siunnersuutigineqarpoq, aningaasallu 3 mio. kr.-t qaangersimappatigit aatsaat ukiumut qaammatisuteqarfiusumut utertitsissutissat tunniunneqarsinnaassallutik.

Oqaasertaliussat AI 2023-mit ingerlateqqitaapput.

Nr. 5. Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaata aqunnissaanut akileraaruseriffiup suliaasaasa ikinnerulernissaat aalajangersakkani siunertarinqarpoq.

Innuttaasoq ukiumi aningaasarsiorfiusumi soraarnerussutisiaqarnissamut aaqqissuussinermut naammattunik akiliuteqarsimangippat akileraaruseriffik ukiup tulliani innuttaasumut qinnuiginnissaaq aningaasanik nikingassutaasunik akiliuteqaaqqullugu. Qinnuiginnittoqarneranut innuttaasoq malinninniingippat akileraaruseriffik skattekortimik nutaamik

imaluunniit akileraarutissat allagartaannik nutaanik (akileraarutitut B-nut) tunniussisinnavaoq, tassanilu nikingassutaasoq ilanngaattissap procentianut tapitut akiligassiissutigineqassaaq.

Akileraaruseriffik skattekortimik ilanngaattissamik procentimik annermik pilimmik tunniussaqaarsimappat sulisitsisoq innuttaasumut tunniussinermini akileraarutitut A-nut anginerusumik akiliisitsissaaq. Sulisitsisoq nassuiaassaaq akiligassanngortinneqartullu akileraaruseriffimmut akilerlugit. Akileraaruseriffik akileraarutissat allagartaannik tunniussaqaarsimappat innuttaasoq nammineerluni akiligassanik akileraaruseriffimmut akiliuteqassaaq.

Siunnersuutip kingunerissavaa aningaasat akilerneqartut tamakkerlutik, apeqqutaanani akileraarutitut A-nut B-nulluunniit tunngassuteqarnerisut, akileraarutaagallartutut isigineqassammata. Tamatumalu kingunerisaanik akileraarutitut akiliutaavallaarsimasut Akileraaruserinermik ingerlatsineq pillugu Inatsisartut inatsisaanni § 25-imi malittarisassat malillugit tunniunneqartussanngorsinnaapput. Taamatut pisoqarnerani innuttaasoq assersuutigalugu aalajangersakkani imm. 2 malillugu 2 procentimik aningaasanik tunineqarnissamik piumasaqaarsinnaavoq.

Innuttaasup pineqartup isertitaanut tunngasut akileraartarnermut allagartap akileraarutissalluunniit allagartaat tunniunneqarneranni tunngavigineqartunit allaanerungaatsiarnissaat nalilerpagu, innuttaasup taakku allanngortinneqarnissaannik akileraaruseriffik qinnuigisinnavaa, Inatsisartut inatsisaanni § 14 takuuk. Aamma innuttaasoq ukiup ingerlanerani imaluunniit nammineerluni nalunaarsukkat akileraaruseriffiup tigungeranit kingusinnerpaamik qaammatip ataatsip iluani akileraarutaagallartunut akiliuteqarpallaarsimasutut isumaqaruni Inatsisartut inatsisaanni § 15-imi aalajangersagaq atuussinnaavoq.

Siunnersuut aqutigalugu suliassaqaarfimmi tassani akileraaruseriffiup suliassai malunnartumik ikilisinneqassapput.

Innuttaasumut tunngatillugu pineqartup aningaasaatikinnerulerneranik siunnersuut sunniuteqassaaq. Aamma tamanna innuttaasup Soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaat malillugu pisussaaffimminik naammasinninniarluni naammattumik akiliuteqarnerata kingorna piffissaq qaangiutereeraluartoq atuuppoq, tamannalu aamma skattekortimik nutaanik imaluunniit akileraarutissat allagartaannik nutaanik tunniussisoqarnissaa tikillugu atuuppoq. Oqaasertaliussat AI 2023-mit ingerlateqqitaapput.

Nr. 6. Oqaasertaliussatigut Akileraartarnermut Aqutsisoqarfik innuttaasup angerlarsimaffiata kommuniarnerit inassuteqartoqartillugu akiliisussaataitanerup naammasineqarsimanngitsup annikillinissaanut pisussaaffiulluunniit atorunnaarsinnissaanut piginnaatinneqarpoq. Taamaalluni Akileraartarnermut Aqutsisoqarfiup oqaasertaliussat malillugit innuttaasumut taakkunanga akileeqqusinissaq siunertaqanngitsutut isikkoqarpat sinneruttunik akiliinissamut pisussaataiffik peersinnaavaa. Innuttaasup akiliisussaataitanerminik ukiut sisamat iluanni naammasinninninnaanngitsutut isikkoqarnissaa piumasaqaataavoq. Akileraartarnermut Aqutsisoqarfiup soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaat malinnagu sinneruttunik ukiunit sisamanit pisoqaanerusunik pisussaaffinnik akileeqqusininaanera tunuliaqutaralugu piffissaliussaq aalajangerneqarpoq. Akiliisinnassusikinnerup innuttaasup timikkut tarnikkulluunniit sakkortuumik nappaateqarneranik pissuteqarnissaa aamma piumasaqaataavoq. Innuttaasup angerlarsimaffiani kommuni taamatut sakkortussusilimmik nappaateqarneranik uppernarsaassaaq. Oqaasertaliussat AI2023-mit ingerlateqqitaapput.

Nr. 7. Oqaasertaliussaq akiliunneqarluni feeriarnert akileraaruserneqartarnerannut siusinnerusukkat inatsisitigut inissisimanermit uternissamut immi kinguneqassaaq, tamannalu Aningaasarsianit akileraarutit pillugit inatsisartut inatsisaata allanngortinnera pillugu Inatsisartut inatsisaata nr. 11, 1. december 2021-meersup akuersissutiginera tikillugu atuussimavoq. Allanguineq ilaatigut angalanerit nalingisa akileraarusersortarnerannik kinguneqarpoq, tassani ullut ilaat inuussutissarsiummi siunertanut atorneqarlutik ullullu ilaat namminerisamik siunertanut atorneqarlutik.

Oqaasertaliussaq ilaannakuusumik akiliunneqarluni feeriarnert ilaat nammineq ingerlanneqartut aammalu nammineerluni

inuussutissarsiutigullu soqutigisanut ilaasut akileraarusorneqarnerat pillugu aalajangersakkat taaneqartut immikkut atorunnaarnerannik kinguneqarpoq. Pissutsip nutaamik naalakkersuinikkut nalilersuiffiginerani paasisassaq tassaavoq malittarisassap nutaap iluanaarutissanut anguneqartunut tunngatillugu sulinermi aqukkuminaannissaa. § 19 b, imm. 3-mi aalajangersagaq aningaasarsianut akileraarutit pillugit inatsisip kukkunersioinnissaani takkuttussami atorunnaartussatut naatsorsuutigineqarpoq, taamaammallu oqaasertaliussaq manna ukiumut aningaasarsiorfiusumut 2023-mut taamaallaat atuuttussaassalluni.

Oqaasertaliussat malillugit Akileraartarnermut Aqutsisoqarfik 2023-mi ingerlanneqartussamik 2022-mi ukiumi isertitaqarfiusumi akileraarusiinermi § 19 b, imm. 3-mi allasimasut sanioqqunnissaannut piginnaatinneqarpoq. Akileraartussaataasut sulisitsisullu il.il. oqaasertaliussat kingunerisaanik, ilaannakortumik akiliunneqarluni angalanernut tunngatillugu § 19 b, imm. 3-mi malittarisassat atuuttut imaluunniit inatsiseqartitsinermi pissutsit 1. januar 2022 sioqqullugu atuuttut atorsinnaavaat.

Matumani aningaasarsianit akileraarutit pillugit inatsisartut inatsisaanni maleruagassanit atuuttunit saneqqutsisinnaaneq pineqarpoq, tamatumalu atortuulersinniarnerni Akileraartarnermut Aqutsisoqarfimmut, akileraartartunut sulisitsisunullu il.il. unamminartoqarsinnaassaaq. Oqaasertaliussat AI2023-mit ingerlateqqitaapput.

Nr. 8. Den Europæiske Union (EU) Kalaallit Nunaanni allaffimmik pilersitsinissaq siunertaralugu Naalakkersuisunut saaffiginnissimavoq.

Aningaasarsianit akileraarutit pillugit inatsisartut inatsisaat malillugu allaffimmi sulinissamut EU-mit aallartitaasut inuit akileraaruteqannginnissaannut oqaasertaliinissamut Naalakkersuisut piginnaatinneqarput. Akileraarusiinnginnissaq aamma aallartitat ilaqutaannut atuuppoq. Ilaquttanut ilaasut paasineqarput aappat imaluunniit inooqatigisai angalaqataasut aamma 18-it inorlugit ukiullit meeqqat angerlarsimaffianni najugaqartut.

Aammattaq EU-p allaffianit imaluunniit aallartitanit akilernerqartut aningaasarsiat isertitatut A-tut isigineqannginnissaanik aalajangiinissamut Naalakkersuisut piginnaatinneqarput. Piginnaatitsissut atornerqarpat tamatumaa kingunerissavaa akileraarutit A-nik ilanngaassinissamut akiliinissamullu pisussaaffeqassanngilaq aamma EU-p allaffia kiisalu aallartitat sulisoqarnermut akitsuummik akileeqquneqartussaantik.

Oqaasertaliussat aamma eqqussinermi akitsuutit pillugit inatsisartut inatsisaat malillugu eqqussinermi akitsuutinik Kalaallit Nunaanni EU-p allaffiata akiliinnginnissaanut Naalakkersuisunut piginnaatitsipput. Piginnaatitsinermut aamma ilaapput EU-mit aallartitat inuit eqqussinermi akitsuutinik akiliinnginnissaat.

Kiisalu Kalaallit Nunaanni allaffinni atortunik pissarsinermut atatillugu kiisalu aallartitanut sulinermut atatillugu inissianik pissarsisinnaanermut atatillugu pisortanut naqissusiinermut akitsuutinik EU-p allaffiata akiliinnginnissaanut Naalakkersuisut piginnaatinneqarlutik.

Aningaasarsianit akileraarutit pillugit inatsisartut inatsisaat aamma eqqussinermi akitsuutit pillugit inatsisartut inatsisaat malillugit aningaasarsianit akileraarutit aamma eqqussinermi akitsuutinik naalagaaffiit allat aallartitaasa il.il. akiliisussaannngillat. EU aalajangersakkanut taakkununnga ilaatinneqanngilaq, tassa EU naalagaaffiunngimmat alla, kisiannili nunani qulliusutut sulinaqatigiiffittut iluseqarluni. Aallartitat konsulitullu sinniisut akiliinnginnissaannut eqqarsaatigineqartut isigineqartullu Kalaallit Nunaanni EU-p allaffimmik pilersitsineranut naleqqiullugu taamaattoq aamma atornerqassapput.

Oqaasertaliussami siunertaq taamaattumik tassaavoq Kalaallit Nunaanni naalagaaffiit allat aallartitaannut atornerqarsinnaasunut akiliinnginnissamut assingusunik akileraarutit akitsuutinillu EU-p allaffiata akuerinissaanut Naalakkersuisut piginnaatinneqarput. Oqaasertaliussakkut Kalaallit Nunaata EU-mi sinniisoqarfiani sulisunut inunnut atuuttunut assingusut piumasaqaatit atulersinneqarput.

Oqaasertaliussat malitsigisaanik akiliinnginnissat akuerineqartut aningaasarsianit akileraarutit pillugit inatsisartut inatsisaanni aamma eqqussinermi akitsuutit pillugit inatsisartut inatsisaanni aalajangersakkat oqaasertaliussami eqqaaneqartut malillugit allartitatut sinniisunut akuerineqartunit annertunerusinnaanngillat. Oqaasertaliussami aamma

erseqqissarneqarpoq inatsisini aalajangersakkat oqaasertaliussami eqqaaneqartut malillugit annikinnerusumik akiliititsinninnissamut Naalakkersuisut piginnaatinneqartut.

Allaffiup pilersinnissaa pillugu maannakkut EU-kommissioni oqaloqatigineqarpoq, allaffiullu 2023-mi pilersereernissaa pillugu soqutiginnittoqarsimavoq. Taamaattumik inatsisiliorneq piffissaq eqqorlugu naammassineqarsinnaassanngilaq. 2023-p ingerlanerani tamanna pillugu inatsisissatut siunnersuutip saqqummiunneqarnissaa sulissutigineqassaaq. Oqaasertaliussat AI2023-mit ingerlateqqitaapput.

Kontomut pingaarnermut, 24.11.10 Nioqqutissanik eqqussuineri akitsuutit

Nr. 1. Nioqqutissanik eqqussuineri akitsuutit pillugit Inatsisartut inatsisaanni § 1, imm. 1, nr. 21 naapertorlugu akiliisussaataanerit qamutitut motoorilinnut taamaallaat innaallagissamik brintimilluunniit ingerlatilinnut, kiisalu plug-in-hybridbiilinnut, batteriik innaallagissamik immeqqinneqarsinnaasunik ingerlatilinnut 1. januar 2023 tikillugu atuutsinneqassanngillat.

Nr. 2. Aalborgip umiarsualiviani Kalaallit Nunaata talittarfia aqputigalugu nioqqutissanik eqqussuineq eqqaassanngikkaanni, Danmarkimi umiarsualivimmiit nioqqutissanik eqqussineq akitsuusersugaallutik eqqunneqartutut isigineqassapput, Kalaallit Nunaat tikittussani umiarsuani umiarsuup sanianut nioqqutissat apuunneqarpata.

Kontomut pingaarnermut, 24.11.10 Nioqqutissanik eqqussuineri akitsuutit, nassuiaatit

Nr. 1. Qamutit motoorillit taamaallaat innaallagissamik brintimillu ingerlatillit eqqunneqarneranni nioqqutissanik eqqussuineri akitsuummik aamma qamutit motoorillit akileraarutaannik akiliinngikkallarnissaaq pillugu Inatsisartut inatsisaat nr. 8, 29. november 2013-imeersoq naapertorlugu akitsuutinut akiliinngikkallarnissaaq ukiumik ataatsimik oqaasertaliussatigut sivitsorneqarpoq, kontomullu pingaarnermut matumunnga oqaasertaliussatigut kingullermik 31. december 2023 tikillugu sivitsorneqarluni. Oqaasertaliussat AI2023-mit iluarsineqarlutik ingerlateqqitaapput.

Nr. 2. Nioqqutissat akitsuuteqarfiusussatut qaqugu eqqunneqartutut isigineqarnissaanik oqaasertaliussaaq erseqqissaavoq. Akitsuutit piffissami akigitamut atuuttoq malillugu naatsorsorneqassapput.

Oqaasertaliussat AI2023-mit iluarsineqarlutik ingerlateqqitaapput.

Konto pingaarnermut, 24.11.20 Akitsuutit, akiliilluni aallaaniarneq aalisarnerlu, oqaasertaliussat

Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi akiliilluni aallaaniarneq pillugu § 7 naapertorlugu aamma Aalisarneq pillugu Inatsisartut inatsisaanni nr. 18, 31. oktober 1996-imeersumi § 8, imm. 3 aamma 4 naapertorlugit akiliutigineqartussat makku aalajangersarneqarput: Akuersissummut ataatsimut akiliut imatut aalajangersarneqarpoq: Umimmaat, ataaseq 2.000 kr. Tuttut, ataaseq 1.000 kr. Piniagassanut minnernut akuersissut, ullormut 200 kr. Piniagassanut minnernut akuersissut, sap.akunneranut 1.000 kr. Aalisarsinnaanermut, ullormut 75 kr. Aalisarsinnaanermut, sap.akunneranut 200 kr. Aalisarsinnaanermut, qammammut 500 kr.

Konto pingaarneq, 24.11.20 Akitsuutit, akiliilluni aallaaniarneq aalisarnerlu, nassuiaatit

Akiliilluni aallaaniarneq pillugu Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi § 7-mit aamma Aalisarneq pillugu Inatsisartut inatsisaanni nr. 18, 31. oktober 1996-imeersumi § 8, imm. 3 aamma 4-mit kinguneqartumik oqaasertaliussat pilerput, inatsisinilu aalajangerneqarpoq akiliutissaaq aningaasanut inatsimmi aalajangersarneqassasoq. Akiliilluni aallaaniarneq pillugu Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi § 7, aamma Aalisarneq pillugu Inatsisartut inatsisaanni nr. 18 31, oktober 1996-imeersumi § 8, imm. 3

aamma 4 misissoqqinneqarpata akiliutigineqartartunut aalajangersagaq aningaasanut inatsimmit peerneqassaaq.
Oqaasertaliussat AI 2023-mit ingerlateqqitaapput.

Kontomut pingaarnermut, 24.11.22 Sulisoqarnermut akitsuut

2023-mi akitsuut Sulisoqarnermut akitsuut pillugu Inatsisartut inatsisaanni nr. 10, 2. november 2006-imeersumi § 2 a, imm. 1 malillugu 0,2 %-iussaaq.

Kontomut pingaarnermut, 24.11.22 Sulisoqarnermut akitsuut, nassuiaatit

Oqaasertaliussat Sulisoqarnermut akitsuut pillugu Inatsisartut inatsisaata allanngortinneqarnera pillugu Inatsisartut inatsisaat nr. 9. 19. november 2020-imeersumi § 2 a-mik (Erninermi aningaasaateqarfimmik aningaasalersuinissaaq) malitseqartitsineruvoq.


Suliffeqarfinnut namminersortunut tunngatillugu sulisitsisut namminersortut ernereertermut aningaasaateqarfimmut Inatsisartut inatsisaanni siuliani taaneqartumi naatsorsuutigisatut 2022-mi akissarsiat tamarmiusut akitsuusertussaataasat 0,2 %-iannut aalajangersarneqassasoq siunnersuutigineqarpoq.
Oqaasertaliussat AI 2023-mit ingerlateqqitaapput.

AKILERAARUTIT INERIARTORNERANNUT ATAATSIMUT TAKUSSUTISSAQ

	Aningaasal iissutit	Atuineq	Nikingassut	Atukkat %- inngorlugit	Atuineq	Ineriartorne ra procenting orlugu 2023-2024
	2024	2024			2023	
Akilaartarnermut Aqutsisoqarfimmi allaffissorneq	86.100	85.173	-927	93,6 %	80.613	5,4 %
Toqqaannartumik akileraarutit						
Pissarsiassat siusinnerusukkut nalikillineqarsimasut	-5.500	-3.247	2.253	101,1 %	-5.562	-71,3 %
Sulisitsisuni unerartitanit annaasat	0	0	0	0	0	
Akileraarutitut akiliisitsissutit	-4.000	-5.283	-1.283	165,9 %	-6.637	-25,6 %
Akitsuutitut akiliisitsissutit	-300	-215	85	81,3 %	-244	-13,5 %
Ernianut tapiissutit, ileqqaagaqarnermut aaqqissuussinerit	3.300	3.027	-273	86,0 %	2.839	6,2 %
Nuna tamakkerlugu akileraarut	-1295.535	-1261.912	33.623	105,3 %	-1364.691	-8,1 %
Nuna tamakkerlugu immikkut akileraarut	-99.000	-95.143	3.857	100,9 %	-99.915	-5,0 %
Ingerlatseqatigiiffiit akileraarutaat, Namminersorlutik Oqartussat suliffeqarfiutaat	-33.000	-21.397	11.603	83,9 %	-27.674	-29,3 %
Toqqaannangitsumik akileraarutit						
Nioqqutissanik eqqussuinermi akitsuutit	-668.000	-625.816	42.184	84,5 %	-564.326	9,8 %
Motoorinut akitsuut	-100.500	-99.435	1.065	99,3 %	-99.774	-0,3 %
Raajanut akitsuut	-306.300	-318.397	-12.097	120,6 %	-369.467	-16,0 %
Umiarsualivimmiinnermut akileraarutit	-44.200	-28.641	15.559	42,7 %	-18.895	34,0 %
Pappiaqqanik nalilinnik naqissusiinermi akitsuutit	-52.000	-39.364	12.636	101,8 %	-52.919	-34,4 %
Eqquiniaasitsinermi akileraarutit	-4.000	-4.307	-307	89,7 %	-3.588	16,7 %
Aningaasanik ikisilluni pinnguaatinut akileraarutit	-5.000	-4.463	537	105,5 %	-5.275	-18,2 %
Akitsuutit, akiliilluni piniarneq aalisarnerlu	-100	-	-3.448	34,0 %	-34	99,0 %
Tips aamma Lotto	-9.847	9.846	1	100,0 %	-9.847	0,0 %
Sulisoqarnermut akitsuut	-125.000	-117.026	7.974	105,7 %	-132.064	-12,9 %
Nukissiornermi ikummatissanut akitsuut	-20.000	-18.324	1.676	93,5 %	-18.692	-2,0 %
Qaleralinnut akitsuut	-78.600	-97.672	-19.072	111,9 %	-87.927	10,0 %
Aalisakkanut ikerinnarsiortunut akitsuut	-62.420	-74.866	-12.446	153,1 %	-95.583	-27,7 %

Malugiuk: Kisitsisit tamarmik koruuninut tusindinut allanneqarput. Naatsorsuutitigut soorlu nassuiaatigineqartoq kisitsisit minusertallit (-) tassaapput isertitat kisitsisillu plusertallit aningaasartuutaallutik.

TOQQAANNARTUMIK AKILERAARUTIT



TOQQAANNARTUMIK AKILERAARUTINIK IMMIKKOORTITERINEQ

2015-2024-mi Kalaallit Nunaat toqqaannartumik akileraarutinit isertitatigut ataatsimut isigalugu pitsaasumik ineriartorsimavoq. 2024-lli ingerlanerani nuna tamakkerlugu akileraarutinit isertitat appariartorsimasut takuneqarsinnaavoq.

	2017	2018	2019	2020	2021	2022	2023	2024
Nuna tamakkerlugu akileraarut	1018.786	1077.764	1096.763	1264.651	1203.056	1378.577	1364.691	1261.912
Nuna tamakkerlugu immikkut akileraarut	78.565	99.517	83.041	88.880	86.964	95.168	99.915	95.143
Ingerlatseqatigiiffiit akileraarutaat, Namminersorlutik Oqartussat suliffeqarfiutaat	113.663	59.531	47.045	66.493	15.695	1.054	27.674	21.397
Toqqaannartumik akileraarutit katillugit	1211.014	1236.812	1226.849	1420.024	1305.715	1474.799	1492.280	1378.452

Kisitsisit tamarmik koruuninut tusindinut allanneqarput.

Namminersorlutik Oqartussat suliffeqarfiutaanni ingerlatseqatigiiffinit akileraarut piffissami tassani appariartorsimavoq.

Ataatsimut isigalugu tamatuma ineriartornerup inuussutissarsionermik suliat ikileriarsimanagerat takutippaa, tamannattaaq 2023-p 2024-llu akornanni suliffissaaleqisut 12 %-imik amerleriarsimanageratigut takutinneqarpoq.

Suliat ikileriarnernannut sanaartornermik suliniutit annerusut naammassineqarnerat, sanaartornermut suliassaqarfimmi suliat ikileriarnernannik kinguneqarsimasooq ilaatigut pissutaavoq.

TOQQAANNAANGITSUMIK AKILERAARUTIT INERIARTORNERAT

Toqqaannangitsumik akileraarutit tassaapput nioqqutissanut akitsuutit. Toqqaannangitsumik akileraarutit ineriartornerat tullinnguuttumi titartarlugu takutinneqarpoq.

2015-2024-mi Kalaallit Nunaanni ataatsimut isigalugu toqqaannangitsumik akileraarutinit akitsuutinillu isertitat qaffariarsimapput. 2024-mili apparialaarsimapput. Tamanna annermik ataatsimut isigalugu inuussutissarsiornermik suliat ikileriarnernannut atasutut nalilerneqarpoq, nioqqutissanik pisiortornermut taamaalillunilu toqqaannangitsumik akileraarutinit iluanaarutinit sunniuteqarlutik.

Taamatuttaaq suliat ikileriarsimanerat pappiaqqanik nalilinnik naqissusiinermi akitsuutit ineriartorneratigut takuneqarsinnaavoq, taanna inoqtigiit suliffeqarfyllu akornanni niueqatigiinnermut - pingaartumik pigisanut aalaakkaasunut aningaasaatinillu nuussinernut tunngatillugu nuussinernut atatillugu takussutissatut ileqqusumik atorneqartarpoq.




Nassuiaat: Kisitsisit tamarmik koruuninut tusindinut allanneqarput

	2017	2018	2019	2020	2021	2022	2023	2024
Toqqaannangitsumik akileraarutit katillugit	1034.722	1195.291	1203.070	1234.707	1224.282	1385.426	1458.402	1.442.606

AALISARNERMI ISUMALLUUTINIK ATUINERMUT AKITSUUTIT INERIARTORNERAT

Aalisarnermut akitsuutit taakkulu ineriartorneri toqqaannangitsumik akileraarutinit isertitat missiliorlugu pingajorararterutigaat.



Kisitsisit tamarmik koruuninut tusindinut allanneqarput.

Aalisarnermi isumalluutininik atuinermut akitsuutini isertitat ineriartornerat, 2019-2024

	2019	2020	2021	2022	2023	2024
Raajanut akitsuutit	263.800	261.700	204.321	319.489	369.467	318.397
Akitsuut; Qalerallit	97.600	89.415	87.360	91.750	87.927	97.672
Akitsuut; Aalisakkat ikerinnarsiortut	43.800	30.925	39.498	69.332	95.583	74.866
Aalisarnermi akitsuutit katillugit	405.200	382.040	331.179	480.571	552.977	490.935

Nassuiaat: Kisitsisit tamarmik koruuninut tusindinut allanneqarput

RAAJANIK ISUMALLUUTINIK ATUINERMUT AKITSUUTIT INERIARTORNERAT

2024-mut tunngatillugu raajanut akitsuummi 106.000 tonsinik naatsorsuutigalugu pisaqarnikkut missingersuusiortoqarsimavoq, tamatumalu saniatigut avammut nioqqutigineqartut nalingata 18,4 %-iannik akitsuusiisoqartussaalluni aammalu avataasiorluni aalisarnermiit tunisinermi nalip 5,0%-ianut akitsuusiisoqartussaalluni. 2024-mi raajanut akitsuummi iluanaarutini pitsaasumik 12,1 mio. kr.-ninik nikingasoqarneranut tunisat amerlassusaanni akinilu nikingassutsit pissutaapput.

Tunitsivinnut avammullu nioqqutinik tunisinermi raajat 99.047 tonsit nalunaarutigineqarsimapput. Taakkunannga Kitaani Tunumilu 97.877 tonsit, Svalbardimilu 1.170 tonsit aalisarneqarsimapput. Pisarineqartut akitsuuserneqartussaataitaasut taamaasillutik missingersuutaareersunit 6.953 tonsinik ikinnerusimapput.

Taamatut nikingasoqarneranut Royal Greenlandip sinerissap qanittuani kilisaataa Lomur 2024-ip qiteqqunnerani kivisimamera pingaarnertut nassuiaataasinnaavoq, taamaalineranilu kilisaatip pisarisassani 4.500 tonsit missaanniittut aalisarsimangilai.

Tamatuma saniatigut taaneqarsinnaavoq Kitaani aalisarnermi missingersuutaareersunut sanilliullugu aalisarneqartuni tunisat ikinneruneranni nikingasoqarsimanera allatut pissutaasinnaammat.

2024-mi Svalbardimi raajanik pisaqartoqarnissaa missingersuutaasimangilaq, tamatumunngalu kalaallit aalisariutaat ukiuni arlalinni imartami tassani pisaqartarsimanginnerat pissutaavoq. Raajat Svalbardimi aalisarneqartut Kalaallit Nunaanni aalisarneqartunit mikinerupput, taamaammallu akigitinneqartut malunnartumik appasinnerullutik. Tassunga peqatigitillugu Svalbardimukarluni raajarniartarneq aningaasartuutitigut oqimaatsuvoq. Taamaattoqarmallu imartami tassani raajanik tunisassianut toqqaannartumik avammut nioqutigineqartussanut akitsuut akit nalingata 5 %-ianut akitsuuserneqarsimavoq.

Tamatuma saniatigut iluanaarutigineqartuni pitsaasumik sunniuteqartoqarsimavoq, tassalu avammut niuernermit tunisinermilu raajanut akigitinneqartorpiat akinut missingersuutaareersunit qaffasinnerulaarsimapput. Raajanut Kalaallit Nunaanni pisarineqartunut avammut niuernermit kiilumut akigitinneqartoq naatsorsuutigisamit 5,3 %-it missaannik qaffasinnerusimavoq. Kalaallit Nunaannilu tunisinermit kiilumut akigitinneqartoq naatsorsuutigisamit 10 %-imik qaffasinnerusimavoq.

QALERALINNIK ISUMALLUUTINIK ATUINERMUT AKITSUUTIT INERIARTORNERAT

Qaleralinnut akitsuummattunngatillugu 2024-mi 15.800 tonsinik naatsorsuutigisamik pisaqarnissaaq missingersuutaasimavoq kiisalu avammut niuernermit naligitinneqartup 18,4 %-ianut akitsuusiinissaaq aammalu avataasiorluni aalisarnermit tunisinermit nalip 5,0 %-ianut akitsuusiinissaaq naatsorsuutaasimalluni.

Qaleralinnut akitsuutit iluanaarutini 19,1 mio. kr.-ninik pitsaasumik nikingasoqarneranut pisani tunineqartuni akigitinneqartunilu nikingasoqarsimanera pissutaavoq. Pisisassat akitsuuserneqartussaataasut eqqortut 15.814 tonsiulersimapput.

Naallu pisarineqartussat akitsuuserneqartussaataasut missingersuutit naapertuussimagaluartut avammut nioqutigineqartussanik 2.534 tonsinik amerlanerusunik tunisassiorqarsimanera aamma missingersuutaareersuniit 2.520 tonsinik ikinnerusunik tunisaqartoqarsimanera iluanaaruteqarnermit pitsaasumik sunniutaanerpaasimapput. Qaleralinnut avammut nioqutigineqartunut akitsuut tunisinermit malunnartumik iluanaarutaanerusoq. Missingersuutaareersuniit avammut nioqutigineqartussanik amerlanermit tunisassiorqarsimaneranut pissutaasoq tassavoq qaleralinnut pisassiissutini 3.000 tonsiusuni tunisissamut 100 %-imik immikkut pisussaaffiusoq AIS2024-p akuersissutigineqarnerata kingorna atorunnaarsinneqarsimammat. 2024-mi kilisaatit 3.000 tonsinik amerlanermit toqqaannartumik avammut niuerutigineqartussanik tunisassiorsinnaasimapput.

Iluanaarutigineqartuni aamma pitsaasumik sunniuteqartoqarsimavoq, tassalu avammut niuernermit qaleralinnut akigitinneqartorpiat akinut missingersuutit atornerqartunit qaffasinnerulaalersimanerat. Qaleralinnut avammut niuernermit kiilumut akigitinneqartoq naatsorsuutigisamit missiliorlugu 8,2 %-imik qaffasinnerusimavoq.

AALISAKKANIK IKERINNARSIORTUNIK ISUMALLUUTINIK ATUINERMUT AKITSUUTIT INERIARTORNERAT

Avaleraasartuunuttunngatillugu 2024-mi 8 mio. kr.-inik missingersuusiortoqarsimavoq, taakkualu avaleraasartuunik 20.000 tonsiusunik aalisarnermut naapertuupput. 2024-mi avaleraasartuunik aalisarnermit 20.200 tonsit pisarineqarsimapput. Taamaammattavaleraasartooriarneq 2024-mi akitsuutitigut 8,1 mio. kr.-inik isertitsiffiusimavoq, taamaammallu missingersuutaareersunut sanilliullugu 99t.kr.-inik pitsaasumik nikingasoqarpoq. 2023-mi aamma 2024-mi kalaallinut avaleraasartuuni pisassiissutit taamaallaat kalaallit angallataannit aalisarneqarsimapput.

Nunatsinni angallatinut avaleraasartumut kilumut ataatsimut akitsuut 0,40 kr.-uvoq nunalli allat angallataannut akitsuut kiilumut 1,00 kr.-ulluni. Taamaalilluni nunat allat angallataasa aalisarnermit peqataanerat akitsuutit iluanaarutit annertussusiinut sunniuteqarsinnaallutik.

Amassassuarni 2024-mi kalaallit angallataannit pisarineqartussat 6.000 tonsit missingersuutigineqarsimapput, kisianni kalaallit angallataannit ammassassut 5.600 tonsit missaat aalisarneqarsimallutik, taamaattumik missingersuutit naleqqiullugu 95 t.kr.-inik ajunngitsumik nikingasoqarluni.

2024-mi saarullinnut akitsuutini iluanaarutini 11,3 mio. kr.-nik pitsaasumik nikingasoqarneranut tunisat amerlassusaanni akinilu nikingasoqarnera pissutaapput. 2024-mi iluanaarutissat 30.000 tonsinik naatsorsuutigalugu pisaqarnissaq aallaavigalugu missingersuusiorneqarsimapput. Pisarineqartussat akitsuuserneqartussaataitaasut eqqortut 32.900 tonsit missaanniilersimapput, taakkualu missingersuutaareersunit 2.900 tonsinik amerlanerupput. Taamaasilluni 2024-mi saarullittassat tamarmiusut naatsorsuutigisamiit 10 %-imik qaffasinnerusumik atorluarneqarnerusimapput.

Iluanaarutini pitsaanerpaamik sunniutaasoq tassaavoq missingersuutaareersunit 4.400 tonsinik amerlanerusunik avammut niuerutigisassanik tunisassiortoqarsimanera. Paarlattuanik missingersuutaareersunit 1.500 tonsinik ikinnerusunik tunisisoqarsimavoq. Saarullimmut avammut nioqqutigineqartumut akitsuut tunisisarnermit malunnarnerusumik iluanaarfigineqartarpoq.

Tamanna aamma iluanaarutini pitsaasumik sunniuteqarsimavoq, tassalu saarullimmut kiillumut avammut nioqqutigineqartumut akigitinneqartoq missingersuutaareersunit 6,5 %-imik qaffasinnerulersimammat. 2024-mi kulleritut akitsuummi iluanaarummi 178.t.kr.-nik ajortumik nikingasoqarneranut pisani tunineqartuni akinilu nikingassutit pissutaapput. 2024-mi iluanaarutissat 675 tonsinik naatsorsuutigalugu pisaqarnissaq aallaavigalugu missingersuusiorneqarsimapput, kisiannili pisarineqartut akitsuuserneqartussaataitaasut eqqortut 560 tonsit missaanniissimapput.

Saarullernat 2024-mi kalaallit angallataannit pisarineqartussatut 20.000 tonsit missingersuutigineqarsimapput, kisianni kalaallit angallataannit saarullernat 28.600 tonsit aalisarneqarsimapput, taamaattumik missingersuutitut sanilliullugit 1,3 mio. kr.-nik pitsaasumi nikingasoqarpoq.

NIOQQUTISSANIK EQQUSSUINERMI AKITSUUTIT

Nioqqutissanik eqqussuinermit akitsuutit 2024-mi 2023-minngaanniit 61,4 mio. kr.-nik qaffasinnerusimapput, kisiannili tassunga peqatigitillugu missingersuutaareersunit 42,7 mio. kr.-nik appasinnerusimallutik.

Pingaartumik imigassanik aalakoornartortalinnik tupanillu nioqqutissat, missingersuutitut sanilliullugit isertitat katillugit 39,1 mio. kr.-nik apparierannut sunniuteqaqataasimapput. Tamatuma saniatigut qamutininik motorilinnik akitsuutilinnik eqqussuinermit isertitat naatsorsuutigisaniit 12,8 mio. kr.-nik ikinnerusimapput.

Paarlattuanik mineralvandimik, imeruusaatinik puussanillu eqqussuinerit, 20,0 mio. kr.-nik isertitaqarnerunermik kinguneqartumik amerleriarsimapput.

Utertitassanik utertitassanullu akitsuutit isertitat tamatuma saniatigut missingersuutaasut sipporsimavaat. Iluanaarutissat 65,0 mio. kr.-t naatsorsuutigineqaraluartut 91,7 mio. kr.-t piviusunnigortinneqarsimapput. Aningaasalli taakku ilaat utertitassanut nakkutilliisumut akiliutigineqarsimapput taamaattumillu isertitat ataatsimut naatsorsornerannut ilaanatik. Akileraartarnermut Aqutsisoqarfiup imigassanik aalakoornartortalinnik tupanillu eqqussuinerup annikillisismaneranut eqqussuisut uninngasuutiminnik allangortitsigallarsimanerat pingaarnertut pissutaatinneqarsinnaasoq nalilerpaa.

Qamutininik motorilinnik akitsuuserneqartussaataitaasunik eqqussuinerup appasinnerusimaneranut tunngatillugu el- aamma plug-in-hybridbilit eqqunneranni suli akitsuuserneqartussaanginnerat oqaatigineqassaaq. Qamutit taakku bilinut nalinginnaasunut benzinamik dieselimillu ingerlatilinnut sanilliullugit tunisaanerulersimapput, tamannattaq taakku oqimaassusaat apeqqutaatinngit motorinut akitsuutaasa appasinnerunerannut atassuserneqarsinnaavoq.

Nioqqutissanik assigiingitsunik eqqusuinermut akitsuutit, 2019 aamma 2024

Nioqqutissanik eqqusuinermi akitsuutit	2019	2024	Ukiuni tallimani ineriartornissaq procentingorlugu
Sukkulaatit*	-54.705	-41.922	-23 %
Imigassat aalakoornartortallit**	-184.036	-199.334	8 %
Imigassat aalakoornartortaqqanngitsut puullu***	-56.869	-190.050	234 %
Pilerisaarutit naqitat	-96	-296	Akitsuut nutaaq
Tupaniq nioqqutissiat	-148.428	-169.985	15 %
Neqinik tunisassiat****	-17.736	-1.792	-90 %
Qamutit motoorillit	-47.971	-19.137	-60 %
Tipigissaatit	-4.350	-2.167	1 %
Qummoroortartut	-3.111	-2.065	-34 %

Nassuiaat: Kisitsisit tamarmik koruuninut tusindinut allanneqarput

*Kaffinut tiinullu akitsuut 1.1. 2022-miit atorunnaarsinneqarpoq. Sukkunut akitsuut 1.1. 2024-miit atorunnaarsinneqarpoq.

**Imigassat aalakoornartortallit naatsorsuutini marlunni nalunaarsorneqarsimapput: 'Imigassat aalakoornartortallit' aamma aalakoornartut nunatsinni tunisassiarineqartut; 'Akitsuutit immiorfeeqqat'.

*** Mineralvand aamma puut naatsorsuutini marlunni nalunaarsorneqarsimapput: 'Mineralvand' aamma 'Nuuk Imeq Sodavand'.

**** Neqinik tunisassianut akitsuut annikinnerungaatsiarsimavoq, akitsuutit taakku, savaaqqanik tunisassianut akitsuut minillugu 2023-mi atorunnaarsinneqarsimammata.

Neqinik tunisassiani akitsuutitigut isertitat takutinneqartut savanik tunisassianik eqqusuinernut tamanut tunngapput.

AKIITSUT 2024-MI INERIARTORNERAT

Akiitsut tamarmiusut takutippaat, 2024-mi januarimiit 2025-mi januarimut 2,5 %-inik amerliartuaarsimasut, sulialli amerlassusaat taamaallaat 1 %-imik qaffariarsimallutik. Ineriartornerup takutippaa suliat ikinnerusut, aningaasartaalli amerlanerusut.

2024-mi akiitsut ineriartornerat

Akiitsut suussusaat	Suliat amerlassusii januar 2024	Akiitsut annertussusii januar 2024	Suliat amerlassusii januar 2025	Akiitsut annertussusii januar 2025	Suliat amerlassusii Procentinggorlugit allannguutaat	Akiitsut procentinggorlugit allannguutaat
Meeqqanut akilersuutit	85.202	420442.763	82.956	407762.996	-2,64 %	-3,02 %
Akileraarutissat sinneri	333.437	564202.668	351.480	594289.676	5,41 %	5,33 %
Inuussutissarsiuutinut tapersiissutit (ESU)	61	25724.906	51	19561.539	-16,39 %	-23,96 %
Akileraarutit A-t	44.303	190992.578	58.476	149934.644	31,99 %	-21,50 %
Ingerlatseqatigiiffiit akileraarutaat	828	35311.256	707	95039.472	-14,61 %	169,15 %
Ineqarnermut akiliut	10.041	49629.128	10.020	49546.695	-0,21 %	-0,17 %
Akileraarutit erniaat	563	1068.708	551	1062.029	-2,13 %	-0,62 %
Kommuninut akiitsut assigiingitsut	12.254	36356.748	9.264	28622.364	-24,40 %	-21,27 %
Taarsiisussaatitaanermut ikiorsiineq	3.224	19627.641	2.806	17099.025	-12,97 %	-12,88 %
Ilinniarnermi taarsigassarsiat	1.008	11117.735	5.962	27356.949	491,47 %	146,07 %
Ulluunerani paaqqinnittarfiit	19.540	14251.646	15.588	12187.540	-20,23 %	-14,48 %
Eqqagassanik eqqaaneq	86.777	40122.301	66.025	34732.135	-23,91 %	-13,43 %
Kommunini inuussutissarsiuutinut taarsigassarsiat	7	65.985	7	65.985	0,00 %	0,00 %
Namminersorluni Oqartussani akiligassat assigiingitsut	21.872	66231.254	19.729	49217.911	-9,80 %	-25,69 %
Initaarniarnermut tapiissutitigut taarsigassarsiat	132	3193.826	110	2779.063	-16,67 %	-12,99 %
Namineq illuliornermi taarsigassarsiat	170	2121.820	136	1611.384	-20,00 %	-24,06 %
Innaallagialq/imeq	5.378	1537.726	5.868	1782.173	9,11 %	15,90 %
Meeqqanut inissitanut angajoqqaat akiliutaat	4.911	6852.245	3.718	5171.133	-24,29 %	-24,53 %
Nunat Avannarliit piumasagaataat	2.882	21768.474	5.161	48635.082	79,08 %	123,42 %
Akiitsut allat	3.348	5603.839	2.909	7773.160	-13,11 %	38,71 %
KATILLUGIT	635.938	1516223.248	641.524	1554230.957	0,88 %	2,51 %

Paasissutissanik pissarsiffik: Akileraartarnermut Aqutsisoqarfiup akiitsunut naatsorsuutai Nassuiaat: Naatsorsuutini Ilinniarnermi taarsigassarsiat Ingerlatseqatigiiffiillu akileraarutaat procentitigut qaffariarsimanageri akiitsunik immikkoortiterinerit teknikkut allannortinnerannit nassuiarneqarsinnaapput.

Tabelip takutippaa akileraarutitut tapissat 2024-miit 2025-mut 30 mio. kr.-nik qaffariarsimasut. Ukiuni kingullerni akiitsut annersarisimavaat. 2025-mi januarimi akiitsut tamarmiusut 38 %-erisimavaat. Meeqqanut akilersuutini akiitsut, 2025-mi januarimi akiitsut tamarmiusut 26 %-erisaat, akiitsut annerpaat tulleraat.

2024-miit 2025-mut ilinniarnermi taarsigassarsiat eqqarsaatigalugit taarsigassarsisut aamma aningaasat amerlassusaat malunnaatillimmik amerliarneri, Namminersorlutik Oqartussat modulikkaartumik ilinniarnermi taarsigassanut nutaamik pilersitsileranerannik nassuiaatissartaqarpoq, tassungalu atatillugu ilinniarnermi taarsigassarsianut suliat torersarneqarlutik,

taamaallillunilu ilinniarnermut taarsigassarsiat akilerneqanngitsut Akileraartarnermut Aqutsisoqarfimmu akileqquneqartunut nuunneqarlutik.

Allattorsimaffimmi akiitsut suussusaani minnerulaani, soorlu innuttaasut ulluunerani paaqqinnittarfinnut akiitsuisa eqqaaveqarnermullu akiitsuisa ikiliartorneri takuneqarsinnaapput. Eqqaanermut akiitsut pillugit siuliatigut Akileraartarnermut Aqutsisoqarfik ikinnerpaaffissatut killiliussamik pilersitsinikuuvoq, taamaalluni taarsigassat 100 kr.-nik imaluunni ikinnernik naleqarpata akiitsunik tigusisoqarsinnaajunnaarluni. Tamatuma takutippaa suliniutip taassuma pitsaasumik kinguneranik akiligassaqarfigineqartut ataasiakkaat akiitsunik taakkunannga annikitsunik Akileraartarnermut Aqutsisoqarfimmu akiliisitsiniartarunnaarsimasut. Aamma neriuutaavoq akiligassanut minnernut akileqqusisunut akiliineq ajortunut malitseqartitsisarneq pitsaanerulerumaartoq.

Akiitsut annertussusaannik pitsanngorsaataasinnaasoq alla taassavoq Suila-tapinik qaammatikkaartumik akiliuteqartarnermik eqqussineq, akiliuteqarneq siulleg 2025-mi martsimi pisimalluni. Tassunga atatillugu innuttaasut tapinik pissarsisinnaatitaasut, tunniunneqartussaagaluit pingajorarterutaannik akiitsunut, Namminersorlutik Oqartussanut, INI A/S-imut Nukissiorfinnut akiligassanut tunngasunut qaammatit tamaasa ilanngaaffigineqarsinnaassapput.

AKILERAARTARNERMUT AQUTSISOQARFIK ATTAVIGIUK

Intaleeqqap Aqputaa nr. 1
Postboks 1605
3900 Nuuk
www.aka.gl

AKILERAARTARNERMUT
AQUTSISOQARFIK
SKATTESTYRELSEN

